



partii naleraq

UKA2020/198

Ulloq. 13. Oktober 2020

Jens NapãtôK´

Uunga siunnersuut: Inatsisartunut qinersisarneq pillugu Inatsisartut inatsisaaat nr. xx, xx. xxx 2020-imeersoq.

(Naalakkersuisut Siulittaasuat)

Siullermeenera

Inatsisartunut qinersisarneq pillugu Inatsisartut inatsisissaannut siunnersuut matumuuna Naalakkersuisut sinnerlugit saqqummiutissavara.

Inatsisartunut qinersisarneq pillugu Inatsisartut inatsisissaannut siunnersuut m Naalakkersuisut sinnerlugit Naalakkersuisut siulittaasuata saqqummiusnaanut Partii Naleqqamiit imatut oqaaseqaatissarput imaattoq saqqummiutissavarput.

Kalaallit Nunaanni Inatsisartunut qinersisarneq pillugu Inatsisartut inatsisaaat nr. 9 31.oktober 1996-imeersoq kingornatigut inatsit taanna pingasoriarluni allangortinneqartarsimasoq uani sisamassaani allangortinneqarnissaani siunnersuummi ullutsinnut naleqqussarlugu suliaasoq Naalakkersuisut nutaaliornertut taallugu allannguutissamik saqqummiuppaat.

Inatsisartunut qinersisarneq pillugu allannguutissatut siunnersuummi nutaatut ilanngunneqartoq internitsikkut qarasaasiatigut allakkatigut taasisarneq taarserlugu taasisarnissamut periarfissamik atuutitsilernissaq pissusissamisoortutut isigaarput taamatut ullutsinnut naleqqussaalluni aaqqiinissaq Partii Naleqqamiit qaqileriffigisarnikuuarput taamaattumillu kiisami aaqqiisoqalermat tamanna pissusissamisoortutut isigaarput. Aammalu naleqqussaanermi taamatut aaqqiineq oqaatitsigut atuneq ilanngullugu naleqqussarneqarnera pissusissamisoortutut isigalutigu, siunissami allakkatigut taasinermik taassarlugu sioqqutisumik taasinermik oqaasertaleqalertusssaaluni.



partii naleraq

Inatsisartunut qinersisarneq pillugu allannguutissatut siunnersuummi toqqammavilersuutigineqartut ilagaat oqaatitsigut naleqqussaanerit. Partii Naleqqamiit maluginiagatta ilagaat taamatut oqaatsinik naleqqussaaqqinneq qallunaat oqaasii kisimik aallaavigalugit naleqqussaanerinnaasimasoq.

Partii Naleqqamiit isumaqarpugut qallunaat oqaasii kisimik uani kisimik qitiuvallaarsimasut taamaammallu kalaallisut oqaasertaasa ilanngullugit naleqqussarneqarsimanerata killeqaannaratik qallunaatuanniit nutserneqaannarsimanerat maluginiarsimagatigit. Taamaammat siunissami taamatut inatsisinik pingaaruteqartunik suliaqarnermi kalaallit oqaatsitta naleqqussarneqartari ilanngullugit sukumiinerusumik suliarineqartarnissaat sakkortuumik Partii Naleqqamiit kaammattuutigerusuppagut.

Assersuutininik taasaqalaassagutta taasinnaavarput oqaatsit atorineqartut internetsi, degitalinngorsarnera, IT il.il. atorineqartut oqaasileriffik suleqatigalugu aqqiffiginissaat kaammattuutigerusuppagut.

Taamatullu ukiorpassuannngortuni aamma oqaatsit kommuni, kommunalbestyrelsit oqaatsit atorineqartut aamma nalilersuiffiginissaat ilanngulluigt oqaasileriffimmut Naalakkersuisut kaammattuutigissagaat innersuussutigerusuppagut.

Partii Naleqqamiit aamma kalaallisut oqaatigut pingaartitarilluinnaratigit imminut nalilersuinitinni qallunaat oqaasiisunik oqaasersianik atuisarnerput nalilersortarsimavarput, soorlu Partii Naleraq oqaasertaa Partii aamma nalilersuisarnitsinni imminut qiviarluta nalilersortarparput aqqittariaqartutullu isigalutigu ataatsimeersuarnissamut ilanngullugu aqqiiffiginiarlugu qaqilissamaakkaatta ilagaat kalaallit oqaatitsinnik pingaartitsisuunitsinni nutartererusunnitsinnilu ilaatillutigu.

Inatsisartunut qinersisarneq pillugu allannguutissamut siunnersuummi Internetsikkut qarasaasiakkut taasilluni qinerisisinnaannngornissaq kommunalbestyrelse-nut ilagiit sinniisaannut qinersisinnaalernissamut aamma aqqutissiorneqarnissaa ilanngullugu suliarineqarnissaa kaammattuutigerusuppagut.



partii naleraq

Internitsikkut qarasaasiaq atorlugu taasisalernissaq pillugu taamatut periarfissaqanngittut aamma eqqumaffigilluinnarnissaat pillugu periarfissarsiornissaanik aamma pisortaniit qulakkeerneqarnissaa ilanngullugu qulakkeerneqassasoq Partii Naleqqamiit kaammattuutigerusupparput, taakku taasisinnaanissaanik pitsaasumik sumiikkaluaraanniluunnit qulakkeerinninnissaq eqqarsaatigalugu. Tassa kilisaammuuqaluaraanni imaluunniit nunaqarfimmiikkaluaraani nunap inui sumiikkaluarunilluunniit taamatut periarfissamik aqquutissiuunneqarnissaat periarfissaqarnissaallu qulakkeertariaqarmat.

Ilanngullugu kommunit kissaatigaat qinersinermi siulersuisut § 9-mi allaqqasoq naapertorlugu siunnersuut kommunini qinersinermut inatsimmut naapertuussarneqartariaqartoq ilanngullugu kissaatigaat, tassami siunissami qinersinermik siulersuisut assigiinngitsut marluussappata, tamanna naapertuutinngimmat.

Ilanngullugu tusarniaanermi kommuunit kissaatigigaluarpaat Paaqqinniffinni assigiinngitsuni najugaqartut aamma napparsimavimmi uninngasut ulloq qinersiviusoq ornigullutik taasinissamut periarfissaqanngitsut, sioqqutsisumik taasinikkut taasisarneq pillugu maleruagassanut ingerlateqqinneqartunut tapiliullugu, qarasaasiakkut allakkatigut taasinissamut periarfissaqarnissaannik qulakkeerisumik ilusiliinissaq Naalakkersuisut isumaliutersuutigissagaat.

Taamatut kommunip inassuteqaataa kapital 8-mi takuneqarsinnaanngitsoq malinniarneqarani aaqqiiffigineqarsimanngimmat uggoraarput ilaatigut taamatut inassuteqaat ilanngunneqannginneranut toqqammavilersuutigineqarmat, maannakkorpiaq tamanna suliaqarnikkut pisinnaanngimmat. aammattaaq inuit ikittuinnaanngooq pineqarunarmata. Tamanna Ataatsimiititaliami sukumiisumik nalilersorneqarluni suliarineqarnissaa Parti Naleqqamiit innersuussutigerusupparput.

Taamatut Partii Naleqqamiit oqaaseqarluta ataatsimiititaliamut susassaqartumut suliaassanngorlugu ingerlatseqqipparput.